

Goibekokale

ELGETA / Barikua / 2003eko urriaren 3a / 156. zenbakia

KOORDINATZAILEA: Irati Agirreazaldegi • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Xabier Ubera pilotariak DV Txapelketan hartuko du parte Argote zarauztarrarekin


IRATI AGIRREAZALDEGI

Azkenaldian Elgetan pilota gainerako kirol guztien gainetik jarri dela dirudi. Batetik, urriaren erditik aurrera abian ipiniko da beteranoendako lau t'erdiko esku pilota txapelketa. Bestetik, Ubera II.a pilotari elgetarrak DV Txapelketan hartuko du parte.

Hamabi bikotek eman dute izena beteranoen mailako esku pilota txapelketarako. Lau t'erdia barruan pilota bigunekin jokatuko dute guztiek. Oraindik erabakitzeke dago noiz jokatuko diren partiduak. Izan ere, jokalariek lan egiten dutenez, denen artean zehaztu beharko dute ordutegia. Horretarako, antolatzaileek bilera baterako dei egingo die parte-hartzaileei. Hala ere, seguruenez bariku iluntzeetan edo zapatu goizetan izango dira norgehiagokak.

UBERA II.A

Bestalde, bihar, hilak 4, DV Txapelketa hasiko da, eta Xabier Ubera pilotari elgetarra izango dugu bertan. Ubera II.ak Argote zarauztarrarekin osatuko du bikotea.



Ubera II.ak DV Txapelketa irabazi zuen 2001ean, eta beste hainbatetan finalista izan da.

Argote jokorako egokia dela esan digu Ubera II.ak. Ubera txapeldun izan zen 2001ean eta beste hainbatetan finalera iritsi da. Bere ibilbidea kontuan hartuta, aur-

tengo faboritoetako bat da. Hala ere, zera esan digu Xabier Uberak: "Txapelketan maila altua egongo da eta zortzi bikote aurre-samarrean ibiliko gara. Dena

dela, beti egoten dira ezustekoak, eta gure asmoa ahalik eta gutxien egotea eta gu geu finalera iristea da. Hori da txapelketaren atarian dudak helburua".

Beteranoen txapelketan herriko hamabi bikotek jardungo dute urri erditik aurrera

Txapelketa urriaren 4an hasiko da, Getarian eta Ezkarain, eta guztira 72-pilotarik hartuko dute parte. Ubera II.ak, ordea, ez du torneo azaroaren 28ra arte hasiko. Mallabiko pilotalekuan jokatuko du lehen partidua. Eta norgehiagoka irabaziz gero hurrengo saioa Urretxun izango du abenduaren 12an. Finala, berriz, abenduaren 27an jokatuko da Zarauzko Aritzatalde frontoian.

Aurkari gehienak ezagunak ditu Ubera II.ak. Izan ere, maila horretako txapelketa eta partidu gehienetan pilotari bertsuek jarduten dute.

Faboritoetako bat izanik, herriko pilotariak maila egokia erakutsiko du seguru DV torneoan. Orain gutxi ere Lodosako txapelketan ez da alperrik finalera ailegatu.

JENTREBISTAK/ Zelan ikusten duzu garraio publikoa Elgetan?



JESUS BELAMENDIA
39 urte

Oso gaizki dago. Lehen gutxi zegoen eta orain gutxiago. Nik neuk ez daukat arazorik, baina eskolara eta ospitalera joan behar dutenek bai.



GLORIA PINTO
45 urte

Gaizki dago. Ospitalean senideak izan ditudanean bertara joateko arazoak izan ditut, baina Bergarara mugitzeko ere. Gehiago behar dira.



ANA MARI ARRIETA
36 urte

Autobus gutxi pasatzen da eta nik ez dut garraio publikorik erabiltzen, daudenak nire ordutegira egokitzen ez direlako. Soluzio zaila du arazoak.



JOKIN ARANZABAL
21 urte

Oso gaizki. Ez daukat autorik eta beharrezkoa da. Besterik ez bada autobus txiki bat ipini beharko lukete, baina jende gehienak autoa duenez...



FELISA BASAURI
75 urte

Errehabilitaziora joaten naiz, eta autobus bakarra dagoenez, goiz osoa galtzen da. Udalak banatu duen papera bete eta eraman dut.

LABUR

Masaje ikastaroa ume txikien gurasoendako

Abian da 15 hilabete arteko umeen gurasoendako antolatutako masaje ikastaroa. Martitzen arratsaldeetan izaten dira saioak, 17:00etatik 18:00etara, Herri Eskolako psikomotrizitate gelan. Ana Gillegi da irakaslea, eta masajeen bidez honako helburuak lortzea da guraso eta arduradunen nahia: umeen eta gurasoen arteko lotura afektiboak sendotzea, gaixotasunei aurre hartzea, umea lasaitzea eta umeek hobeto lo egin ahal izatea, hain zuzen ere.

ELKARRIZKETA

ASUN MARTINEZ/'TAI-CHI'-KO IRAKASLEA

"Berez 'tai-chi'-a gorputzari oreka eta harmonia emateko mugimendua da"

I.A.
Udaleko kirol eskaintzen artean aurtengo berrikuntza *tai-chi*-a da. Ikastaroko irakaslea izango den Asun Martinezekin izan gara, eta Asunek elgetarrak animatu nahi ditu eskoletan parte har dezaten.

Zer da *tai-chi*-a?

Tai-chi-aren oinarritzko helburua gorputzari oreka eta harmonia eskaintzea da. Mugimendu suabeen bidez, fisikoa landu, arnasketa erregulatu, burua kontzentratu, emozioak baretu... egiten dira. *Tai-chi* hitzaren parekoa *oreka* dela esan daiteke.

Eman arrazoiren bat jendea-ri *tai-chi*-a praktika dezan.

Pertsona bera oso-osorik lantzen duenez, *tai-chi*-a jarraian praktikatzuz gero gorputza lasaitzeko eta burua erlaxatzeko oso modu egokia dela esango nuke.

Zer lantzen da *tai-chi*-an?

Formak lantzen dira; modu kateatuan eta erritmikoki egindako mugimenduak, hain zuzen. Formak lantzeaz gain, bikotekako ariketak egiten ditugu eskoletan. Horrela sentikortasuna garatzen da. Bestalde, *chi-kung* delakoa ere egiten dugu. Hau da, pertsona oso-osorik hartu behar, atal bat lantzen da konkretuki: gorputza, burua... Norberak aukeratzen du zein arlo landu nahi duen.


Mugimendu lasaiak dira.

Tai-chi-an izerditzen da?

Erlaxatzeko saiakeran izerdi daiteke, baina hori ez da asmo nagusia. Helburua gorputza eta bihotza ez estresatzea da, eta ahal den neurrian erlaxatzea desblokeatzeko. Hala ere, alderdi fisikoa lantzen da, gorputza sasoian edukita. Meditazioak ere badu bere lekua *tai-chi*-an.

Zer da garrantzitsuagoa, mugimendu asko jakitea ala gutxi batzuk ondo ikastea?

Oinarritzkoena mugimenduak ondo egitea da. Alferrikakoa da



"Ez da beharrezkoa mugimendu askorik jakitea, baizik eta gutxi ondo eginez kontzentratzea"

800 mugimendu jakitea, erlaxatzea lortzen ez bada. Bada forma labur bat zazpi mugimendu dituen, eta hori ondo eginez gero, nahikoa da.

Edozeinek egin dezake?

Edozein adinetako pertsonak egin dezakete, nola umeek hala

"Edozeinek egin dezake, ume, gazte zein laurogei urteko pertsonak ere"

laurogei urtekoek. Ariketa suabeak direnez, gorputza erregulatu egiten dute, eta orekatu. Emakumeentzat bereziki gomendagarria da, mugimendu suabe horietarako berezko trebetasuna eta dohaina daukate-eta. Baina edozein animatuko nuke.

EUSKARA

Luis Mari Arantzeta, Ozkarbiko presidente

I.A.

Joan zen irailaren 25ean Ozkarbi elkarteak batzar orokorra egin zuen. Bileran, besteak beste, zuzendaritza berriko kideak aukeratu zituzten, eta hemendik aurrera Luis Mari Arantzeta izango da presidentea, orain arte egon den Daniel Gillegiren ordez.

Ozkarbiren urteko batzar orokorrera 40 bazkide inguru azaldu ziren eta hainbat gai izan zituzten berbetarako. Besteak beste, teilatuari eta berogailuari buruz jardun zuten berbetan.

Teilatua konpontzeko asmoen berri eman zieten bazkideei, eta berogailu berria ipintzeko proiektua ere azaldu zuten. Izan ere, bi aukera zeuden: berogailu sistema osoa aldatzea edo lehengo berritzea. Bozketa egin ostean, sistema guztiz berria ipintzeko erabakia hartu zuten. Bestalde, zuzendaritzakoek jakinarazi zuten sukaldean gasa sartu dutela.

ZUZENDARITZA BERRIA

Gai orokorrez gain, bazkideen altak eta bajak eman zituzten aditzera.

Bestalde, bi urteren ostean Daniel Gillegi presidente zuen zuzendaritzako hainbat kidek kargua utzi eta ordezkari berriak aukeratzeko aprobeztatu zuten urteko batzarra.

Orain arte presidenteorde postuan egon den Luis Mari Arantzeta izango da hemendik aurrera Ozkarbiko presidente, eta bere lekua Jabier Arantzetak hartuko du. Zuzendaritzako gainerako kideak honako hauek dira: Leire Barrutia, Nerea Basauri, Eba Belar, Teresa Elortza, Maier Iratzabal, Jone Muxika eta Joseba Muxika.

Zuzendaritza berriko kideek eguenean izan zuten lehenengo bilera, eta bertan egin zuten hemendik aurrerako lan banaketa. Bakoitzak dagokion kargua hartu ondoren, aipatutako elgetarrak datozen bi urteotarako izango dira Ozkarbiko zuzendaritza taldekoak.

LABUR

Umeendako kirol hastapen eta eskola kirol programetako izenemate epea zabalik

Kirol hastapena helburu duen oinarritzko soin hezkuntza zerbitzua eskainiko du Udalak, astean behin, 6 eta 8 urte arteko umeendako. Programaren berri emateko eta monitorea ezagutzeko bilera urriaren 9an izango da, 17:30ean, liburutegian. Bestalde, Benjamin eta alebinendako eskola kirol programa abian da. Astean entrenamendu saio bat eta larunbatetan partiduak izango dituzte. Interesatuak eskolako soinketa irakaslearengana jo dezakete.

Zapatuan emitituko dute Herri Irratian Elgetari buruzko 'Herriz herri' saioa

Datorren urriaren 4an, zapatuan, hasiko du aurtengo ikasturteari dagokion ibilbidea Herri Irratiko *Herriz herri* saioak. Alberto Gorritibereak bisitatuko duen lehenengo herria Elgeta izango da. Goizeko 11:05ean hasi eta 12:35era bitartean, beraz, Elgeta izango da protagonista. Herriari buruzko azalpenak eman ostean, Internet, agintaldi berrirako asmoak, kultura, enpresa, merkataritza, eta abar izango dituzte berbagai. Musikari ere eskainiko diote tartetxo bat, eta herritarrek ere izango dute berba egiteko aukera.

Banatzailleak

Bariku arratsaldeetan Goienkaria banatu eta poltsikorako diru apur bat irabazi gura baduzu...

Deitu 943 71 23 91 telefonora eta Martagatik galdetu

Derrigorrezkoa da 14 urtetik gorakoa izatea.

ERRETRATUZAHARRA

ELGETA

Liburuaren
aurkezpena
udaletxean

Juan San Martin euskaltzain, euskaltzale eta idazle eibartarrak *Elgeta con Anguiozar y Ubera* liburua 1975eko maiatzean aurkeztu zueneko erretratua da honakoa.

Udaletxeko osoko bilkuren aretoan, herriko berri emanez egindako liburuari buruzko azalpenak eman zituzten bertaratutako herritarren eta agintarien aurrean.

Pedro Zelaia abade eibartarrak izenburu bertsuarekin *-Elgeta, Anguiozar y Ubera*, hain zuzen ere beste liburu bat kaleratu zuen garai hartan, eta Zelaia bera ere aurkezpen hartan izan zen.

Herritarrek eta agintariak han zirela esan dugu, eta bestelako babesik ere jaso zuten aurkezpenean; garaiko egoera zela eta, Francisco Franco, argazkitik bazen ere, begira izan zuten denbora guztian, baita amabirjinaren irudia ere. Beraz, babes politiko eta espiritualik ez zen falta izan.

Hona hemen zein diren argazkikoak. Mahaian ezkerretik eskumara:

Jose Antonio Igartua (parrokoa), Juan San Martin (idazlea), Patxi Basauri (alkatea) eta Pedro Zelaia (Eibarko abadea). Mahaian eskuinaldean agertzen dena kanpotarra da, baina ez dakigu nor den.

Argazkia: A. Agirreazaldegia



ADI, IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

GURIA
Taberna

Bidekurutzeta 5
BERGARA
943 76 20 34

PINTXO eta BOKADILLOAK
SEKULAKO MARTXA!!

EUXEBIO II

Irala z/g
Bergara
943 76 07 92

OILAGORRA
TABERNA

Barrenkalea 21 BERGARA

Maxim's

943 76 20 61
BERGARA

**BEHEKO
TABERNA**

Menestra
eta untxia dira
gure berezitasunak

ANGIOZAR
Tf.: 943 76 55 74

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21

CAMACHO
Drogeria
Usaindegia

Bidekurutzeta 24
BERGARA
943 76 13 35

UNIFE KOOPERATIBAKO KIDE

MUJIK FERRETERIA

BERGARAKO ENPRESA ETA HERRITARREN ZERBITZURA

Bidekurutzeta 8. 943 76 28 67. BERGARA

Azkarate eta Ardatza: arotz lanetan behar duzun guztia



Ate irristagarriak



Parket flotatzailea



Ateak • Leihoak • Horma-armairuak • Tarimak • Parketak • Sukaldeak

Neurrira ebakitako tableroak • Apalak • Kajoiak • Zokaloak
Moldurak, sarrailak • Manilak • Egurrezko objetuen pintaketa



AZKARATE
AROSZTEGIA

Telleria 19, B-0-2 B-0-3
BERGARA
Tel.: 943 76 47 19
610 884 020



ARDATZA

Brikolaketa

Masterreka 4, behea.
Tel.: 943 76 18 93
BERGARA



Etixerako ederrena, Zanguitun

Eskulan eta arte ederretako produktuak ere baditugu!



Koloreak sortzeko makina
Paretetarako, zorurako, altzariak margotzeko...

%20ko deskontua etxerako pinturetan



ZANGUITU margoak

Irala z/g. BERGARA.
Tel.: 943 76 19 54.

IRU margoak

Araba etorbidea 3. ARRASATE.
Tel.: 943 79 11 71.

deco-tex ZANGUITU alfonbrak

Herri lagunak 4. BERGARA.
Tel.: 943 76 08 69.

Parket flotatzailea* Sintasola* Moksetak*
Paper pintatuak

*Salmenta eta etxean ipintzea.


Alfonbrak Alfonbrak neurrira Funda nordikoak
Edredoiak Kortinak Toailak Izarak

CDTi Meriva berria Diesel Common Rail



Opel. Ideia berriak. Auto hobeak.

%100 Meriva | %100 malgua



96% Meriva

motor berriak Opel
(CDTi)

potentzia diesel
COMMON RAIL

Konturatu zara malgua izanda urrunago heltzen zarela? Kilometro gehiagok aukera gehiago eskaintzen dituztelako, orain Opelen monobolumen berriaz goza dezakezu. Opel Meriva Diesel Common Rail teknologiarekin. Kontsumo minimoa eta errendimendu maximoa eskaintzen dizun Meriva, 1.000 aukera baino gehiago zuk heldu nahi duzunera heltzeko. Opel Meriva 1.7 CDTi berria da.

Meriva gama: kontsumo (l/100 Km) mistoa 5,3tik 8,2ra. CO₂ emisioa (g/Km) 159tik 257ra.

Giauto Bergara

Kontzesionario ofiziala:

Olabarrena auzoa z/g. Tel. 943 76 33 44/45/46/47. **BERGARA**

www.giauto.es